

۲۱ جمادی الآخر سنه ۱۳۳۳

بخشبه

۲۳ نیسان سنه ۱۳۳۱

DJÉRID I SOUFIÉ

Fonde en 1090

Organe Turc Fanislamique

Directeur Propriétaire.

HASAN KIAZIM

No. 110, Ile 9 (6 mai 1915)
Adresse. Avenue de la S. Porte

Rue Eb us sonoud

جريدة الصوفية

شمس ديلك اون بئر، كوندبر نشر اولتور

صاحب امتياز و مدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر مرز آچيقدر درج ايدلميان اوراق اعاده ايدلر
استانبولده باب عالي جوارنده ابوالسمود جاده سنده
نجم استقبال مطبعه سنده اداره خانه مرز اصحاب
مراجعه هر ساعت آچيقدر

سنه لك اعتباريله ممالك شاهانه ايجون بشين
اوله رق ۴۰ التي ايلني ۲۵ غروش و ممالك
اجنيه ايجون ۱۲ فرانكدر .
تلفون نومروسي : ۱۰۹۷

نسخه سي و ۴ پاره در

تصوفی ، دینی ، اخلاقی ادبی ، سیاهی جریده اسلامیه در

نومرو ۱۱۰

حياتيه سنه استناد ايله اعلان جهاد ايدن شهریار عالی تبار افندمن بو حرب مقدس واکبرده اردوی هایونلرینک، آتیا مظفریت قطعیه بی استحصال ایده جکنه براعت استهلال اولان اثار حماسه و جلادتلرینی کورمکه کامین اولمشلردر.

عثمانیلر یوم جلوس هایونی، تاریخک بو تقدیرات و تحیاتلندن مطمئن اوله رق پر شوق و شطارت استقبال ایتمشلردر.

«جريدة صوفيه» بومناست مبعجه ايله، حسیات شکرانپرورانه ملیه بی خاکبای برین پایه پادشاهی به اعلا و بوتون ملت ايله یکزبان اوله رق دیعومت ایام سلطنتلری دعاسی بارگاه خدایه رفع ایلر.



الغازی سلطان محمد خان خامس حضرقلری

فتوای شریفه صورتیدر

خليفة رسول رب العباد خلدالله تعالى خلافته الى يوم التناد سلطان محمد رشاد خان خامس افندمن حضرقلرینک بو دفعه شرعاً وقوع بولان سفر هایون نصرتمقرون مسرتمشحو نلرنده بخلوص البال تجهیز وارسال بیوردقلری عسا کر اسلام نصر هم الله الملك العلام دشمن دین وملت اولان قوم ايله جهاد فی سبیل الله تعالی عزو شانه نیت خالصه سیله محاربه و مقاتله ایتلریله | من جهاز غازیاً فی سبیل الله فقد غزا | حدیث شریفی منطق منینی اوزره خلیفه مشارالیه افندمن حضرقلرینک غازی اولدقلری شرعاً متحقق اولمغه جمیع اوامر و محافل و منابرده مخصوصاً خطبه لرده غازی عنوانیه نام نامی شاهانه لری توصیف و تلاوت اولنق مشروع و مستحسن اولورمی.

الجواب اولور.

کتابه الفقیر الیه تعالی خیری بن عون الارکوبی
عن عنهما

فخری سواری ملازمملکی — داخلیه ناظری و مالییه ناظر وکیلی طلعت بک افندی حضرقلرینه فخری سواری ملازم ثانیکلی توجیهی خصوصه اراده سنیه حضرت خلافتناهی شرفصادر اولمشدر.

تبلیغ رسمی

۱۴ مارت ۳۳۱ تاریخیه قرارگاه عمومیدن تبلیغ اولمشدر.
دون کیجه دشمنک طوربیدو و طوربیل سفائی چناق قلعه

اولقدر ممدوح نتایج واصل اولق تیسر ایدر بو عالمده شمعی به قدر ام واقوامک کلی و جزئی خطالره دوشمسی قانون فطرتدن انحراف اولمشندن تولد ایتدیکی صحایف توایخ امثال وشواهدی ايله بزه ارانه ایده یور.

رجال سیاسیه ده ارانیلان فضائل و مزایا شفقت و رحمت و اقتدار و رویت کبی خصائل ممدوحه اولوب اقوام وامم اوزرینه بسط جناح رآفته حقوق مشروعه لرینه رعایت ولوازم عدالت ايله مستفید اولور ایسه اعدای خارجیه نک رفع و تدمیرنده فدای جان و بذل اموال ايله حصون متینه تشکیل ایدر روابط اجتماعیه ده مذاهب و مشاربک هیچ تأثیری اوله من هیئت اجتماعیه نک قوای مشترکسی دفع صولت اعدایه کافلدر.

مملکتک اخلاق و طبایعی و شئون جاریه و احتیاجات موقعیه سی البته آنی اداره ایدن رجال سیاسیه نک یوماً فیوماً تجاربی ايله تحقق ایدر. حکومت حاضره منی تشکیل ایدن رجال سیاسیه منک حسن تدبیر و اداره سی هر نقطه ده متجلی اولمسیله سلامت حالیه و مستقبله من غوائل حاضره نک مندفع اولدقدن صکره بمنه تعالی بر قاتدها استقرار بولورق حکومت عثمانیه نک مستعد اولدینی موقع بلندی احراز ایده جکنندن هر عثمانینک امین و مطمئن اولماسی لازم کلیر.

خالص

جهاد اکبر مناسبتیه

صدق ايله قوشک جهاده عون رحان بزده در شوق ايله ارش ایلک الطاف بزده در
ظالمک خائلیک قهرین مراد ایتش خدا یورویک توحید ايله امداد سبحان بزده در
شبه سز ایتش رفیق روح علی الحیدری زوالفقار قاهری اول روح آرسلان بزده در
قاهرانه حل ابدک محو ایلک دشمنلری چوق دکل بولله شجاعت حکم قرآن بزده در
ثولدرک غازی اولک ثولک شهید محترم اولکلام کبریایه بزده ایمان بزده در
عون سبحان روح فخر العالم اولدقجه منین ای جلالی مصر و قافقاس عن قریب شان بزده در
صاغر زاده

جلال الدین وهبی

کاخ:

شئونات

جلوس هایون حضرت خلافتیناهی

پادشاه عالی عثمانیان الغازی سلطان محمد رشاد خان خامس حضرقلرینک سریر آرای خلافت اسلامییه، جانشین مقام سلطنت عثمانیه اولدقلری یوم مبعجک سنه دوریه سنی ادراک ایدیوروز.
دولتک و بوتون عالم اسلامه نک بقا و حیاته قصد ایدن اوج بویوک دشمنه قارشى عهد هایونلرنده مملکت و ملتک نمایش پذیر اولان قوای

بوغازينه كيرمكه چاليشمشلر ايسهده بطاريه لر يمزك آتشي ايله بوسكور تيشلردر .

۱۵ مارت ۳۳۱ تاريخيله قراركاه عموميدن تبليغ اولمشدر .

۱ — بو صباح قره دكز بوغازي ترصد پوسته لر من طرفندن كوريلن بر قاج روس سفينه حريه سي قره غول كيلر مزه بك اوزاق مسافه دن تاثير سز بر قاج مرمرى انداخت ايئش وبعده سرعتله چكيلمشدر .

۲ — ديكر دارالحركه كلرده مهم بر معلومات يوقدر .

۱۶ مارت ۳۳۱ تاريخيله قراركاه عموميدن تبليغ اولمشدر .

۱ — وضعيت عموميه ده مهم بر تبديل يوقدر .

۲ — دون بر دكز طياره منر چناق قلعه بوغازي خارجنى طولاشان بر انگليز حرب كميسي اوزرينه بومبار آتهرق تعرض ايتمشدر . ۱۸ مارت ۳۳۱ تاريخيله قراركاه عموميدن تبليغ اولمشدر .

۱ — روس فيلوسى دون قره دكز ساحلنده ارلكى ، قوزلو ، زونقولداق مواقعه قارشى ايكي بيكدن زياده مرمرى انداخت ايتديكى حالده اهميتلى بر حسارات ايضاعه موفق اوله ميه رق شمال استقامته چكيلمشدر . يالكز بر قاج خانه تخريب اولش بر قاجده معونه بامشدر . بومباردمان ائسانسده اوچوردقلى طياره لر آتشلر مزله طرد ايدلمشدر .

۲ — چناق قلعه قارشوسنده وديكر دارالحركه كلرده يكي بر تبديل يوقدر .

۱۹ مارت ۳۳۱ تاريخيله قراركاه عموميدن تبليغ اولمشدر .

بوكون مختلف دارالحركه كلرده شايان اشعار مهم بر تبديل اولامشدر .

۲۰ مارت ۳۳۱ تاريخيله قراركاه عموميدن تبليغ اولمشدر .

۱ — چناق قلعه ده وديكر دارالحركه كلرده اساسلى بر تبديل يوقدر .

۲ — مارتك سكزننجى كوني بر انگليز قرووازورينك حجاز ساحلنده « موبليخ » قصبه نه بومباردمانله عسكر چيقارمق تشبى منع ايدلمسى اوزرينه ايرتنى كون اشبو قرووازور تكرر مذكور قصبه يي بش ساعت بومباردمان ايدهرك بالخاصه هدف اتخاذايتديكى قصبه نك جامع شريفيله مناره سنى بيقمش و بر قاج خانه يي ده تخريب ايتمشدر . دشمن بومباردمان ائسانسده فليقه ليله قره يه عسكر چيقارمغه چاليشمش ايسهده جواردن يتيشن مفرزه عسكر يه لر يمز و مسلح اهالى محليه نك مقابله سيله دشمنه تلفات و يرديريله رك طرد ايدلمش وبالاخره قرووازورده چكيلمشدر . نفوسجه ضايعات يوقدر يالكز بر دوه يارالامشدر .

۲۱ مارت ۳۳۱ تاريخيله قراركاه عموميدن تبليغ اولمشدر .

۱ — بوكون چناق قلعه بوغازينه ياقلاشمق ايستين بر قاج دشمن طورپيل تحرى كميسي اتشلر مزله طرد ايدلمشدر . بوكميلرى حمايه ايدن ايكي زرهلى اوزاقدن فاصله لى و تاثير سز بر مدت آتس ايدوب چكيلمشدر .

۲ — ديكر جبهه لرده تبديل يوقدر .

۲۲ مارت ۳۳۱ تاريخيله قراركاه عموميدن تبليغ اولمشدر .

۱ — دونخامزك اوده سا كورفى جوارنده جولانى ائسانسده

۲۰۲۰ طونلق (پرويدانت) ۱۵۰۰ طونلق (واستوشنا يازيوه زدا) نامنده كي ايكي بيوك روس واپورى يوكلى اولدقلى حالده دونخامز طرفندن باطيرلش و واپورلر ك مرتباتى اسير ايدلمشدر . بو حرركات ائسانسده (اوچاقو) استحكامى جوارنده دوشمنك طورپيل تحرى كيلر يي تمقياً دوشمن ساحله طوغرى ايلروين كوچك مجديه قرووازور منر بر طورپيله چارپهرق باطمشدر . بو وقعه روسلر ك اوده سا ونيقولايف ليمان ليله ساحلرينك امر محافظه سى ضمنده دوكدكلى طورپيلر ك قوپوپ داغلمسندن حصوله كلى . مجديه قرووازورى مرتباتى جوارده بولان عثمانى سفينه حريه سي طرفندن تخليص ايدلمشدر . دوشمن ساحلنده وظيفه مقدسه عسكر يه سنى ايضا ايدر كن غرق اولان بو سفينه مرتباتك اطوار و حرقاتى هر درلو مدح وستايشه لايقدر . مذكور قرووازورده بولان طوپلر ك قالىرى كاملاً النش وكى دوشمن طرفندن يوزديرلمسه ميدان قلامق اوزره طورپيله پارچلنمشدر .

۲ — دون چناق قلعه بوغازينه ياقلاشمق ايستين دوشمن طورپيل تحرى كيلرندن برى بطاريه لر يمزدن آتيلان مرمرى اصابتى نتيجه سي قوم قلعه آچيقلانده باطمشدر .

۳ — بوكون چناق قلعه وديكر دارالحركه كلرده شايان اشعار بر تبديل يوقدر .

۲۴ مارت ۳۳۱ تاريخيله قراركاه عموميدن تبليغ اولمشدر .

۱ — قافقاس جبهه سنده : ايش خان شرقتده حدود پقينده كي ايلرى قطعا موزه تعرض ايدن دشمن اون سكز ساعت دوام ايدن شدتى مضاده دن صكره حدودك اوتة طرفنه طرد ايدلمش ، دوشمن اراضيسنده طاوسكردك جنوبنده [بغوصور] [ابارا كز] جوارنده كي قريه لر طرفزدن اشغال ايدلمشدر .

۲ دون بوكون چناق قلعه يه قارشو دوشمنك جدى بر تشبى كورولامشدر . اولكى كون مدخل جوارنده كي بطاريه لر يمز قارشى دوشمنك ايكي زرهلى طرفندن انداخت ايديلان اوچيوزى متجاوز مرميلر ك هيچ بر تاثيرى اولمدينى وبالعكس بطاريه لر يمزك انداختدن بر زرهلى ايله . طورپيدوسنه اصابت واقع اولد ينى مختلف رصدات نتيجه سي تحقق ايتمشدر .

۳ — ديكر دارالحركه كلرده مهم تبديل يوقدر .

۲۵ مارت ۳۳۱ تاريخيله قراركاه عموميدن تبليغ اولمشدر .

بوكون مختلف دارالحركه كلرده شايان اشعار بر حركت اولامشدر .

۲۶ مارت ۳۳۱ تاريخيله قراركاه عموميدن تبليغ اولمشدر .

۱ — دون بز قسم دشمن فيلوسى . بر ايش يامش اولق ايچون اينوزك (دراغودينا) اسكه نه يكرمى قدر مرمرى آتقدن صيكره

ایکی فلدک دروننده عسکر جیقارمغه تشبث ایتش ایسهده اوراده بولنان جزئی قوتده کی محافظلرمز دشمنک طردینه کافی کلسدر. دشمن بعده او جوارده بر خانه به بر ایکی مرمری آتوب چکیدی هیچ بر زیان اولامشدر .

۲ — دیگر دارالحرکاتلرده یکی برشی یوقدر .

۲۷ مارت ۳۳۱ تاریخیه قرارگاه عمومیدن تبلیغ اولمشدر .

۱ قافقاس جبهه سنده ایلرو مواضعده خفیف مصادمه لردن بشقه مهم برشی یوقدر .

۲ جنای قلعه وضعیتده تبدل اولامشدر .

۳ — اولکی کون ایکی دوشمن قرووازوری سوریه ساحلنده (غزه) اسکله سنی وجواری ایکی بیجی ساعت فاصله لی بومباردمان ایتش ، اسکله کی قسماً تخریب ایتش ، قصبه ده دوشن بر قاج مرمری هیچ بر زیانی موجب اولامشدر .

۴ — دیگر دارالحرکاتلردن مهم معلومات یوقدر .

۲۹ مارت ۳۳۱ تاریخیه قرارگاه عمومیدن تبلیغ اولمشدر .

دونوبوکون مختلف دارالحرکاتلره شایان قید بر حرکت اولامشدر . ۳۱ مارت ۳۳۱ تاریخیه قرارگاه عمومیدن تبلیغ اولمشدر .

۱ — دوشمنک بر قاج ترصد سفائی دون جنای قلعه بوغازی خارجندن مدخل جوارنده کی بطاریه لریمزه یارم ساعت تأثیرسز آتش ایتدیلر . بطاریه لریمزک مقابل آتشدن دوشمنک بر زرهللی وبر طوریدوسنه مرمری اصابتلری کورولمشدر .

۲ — قافقاسیه جبهه سنده و دیگر جبهه لرده تبدل یوقدر .

۲ نیسان ۳۳۱ تاریخیه قرارگاه عمومیدن تبلیغ اولمشدر .

دارالحرکاتلرده مهم بر تبدل یوقدر .

۳ نیسان ۳۳۱ تاریخیه قرارگاه عمومیدن تبلیغ اولمشدر .

۱ — دون اوکله دن صکره بردشمن زرهلیسینک مدخل خطندن فاصله لی وتأثیرسز آتشی ائشانندن بطاریه لریمز دن آتیلان مرملردن دردینک اصابتی اوزرینه زرهلیده اشتغال حصوله ککش و در عقب بوزجه آله استقامته چکلمشدر .

۲ — دون روس فیلوسی ارکلی وزونقولداق مواقعی بومباردمان ایتش وبر قاج یلکن قاینی باتیرمقدن بشقه موفقیت الده ایده میهرک شماله اوزاقلاشمشدر .

۳ — دیگر دارالحرکاتلرده بر تبدل یوقدر .

۴ — سوریه ساحلنده دائم طولاشان بر قاج دشمن کیسینک آره صره بعض مواقعه قارشی مقصدسز وتأثیرسز اجرا ایلدک لری نوبت آتشلری وقایع صره سنده ذکره شایان کورلما مکده در .

۴ نیسان ۳۳۱ تاریخیه قرارگاه عمومیدن تبلیغ اولمشدر .

۱ — دون اوکله دن صکره معارض کورفری اوستنده اوجان بر دوشمن طیاره سی آتشلریمزله سقطلنه رق سازلی لیان اوکنده دکزه دوشمشدر . اونی قورتارمق ایچون دکزه اینن دیگر بر طیاره ده طویجی آتشلریمزله تمامیه باتیرلش وبوصره ده یاقلاشان آمیرال ناسون

زرهلیسیله بر طیاره کیسینه قارشی انداخت ایدیلان مرمریاتک اصابتی اوزرینه زرهللی اوزاقلاشمش و طیاره کیسی سقطلنان طیاره یی ارقه سنده سورویه رک چکلمشدر .

۲ — بوکون اوکله دن اول (۱۵۴) اشارتلی بر انکلیز تحت البحری جنای قلعه بوغازنده قاراقلق لیان شرقنده باتیرلشدر . ۳۱ کیسینک مرتباتندن اوج ضابطه یکریمی بر نفر قور تاریلره رق اسیر ایدللی . بولنر میاننده جنای قلعه ویس قونسولوسی ده ظهور ایتشدر .

۳ — دیگر دارالحرکاتلردن شایان اشعار معلومات یوقدر .

۶ نیسان ۳۳۱ تاریخیه قرارگاه عمومیدن تبلیغ اولمشدر .

۱ — ایکی اوج کوندن بری قفقاس جبهه سنده حدود یقیننده (میلو) جوارنده ایلری مفرزه لریمزله دوام ایدن مصادمات لیمزه نتیجه لیش و دوشمن حدود اوزرینه طرد ایدلشدر .

۲ — دون جنای قلعه بوغازینه یاقلاشمق ایستیان دوشمن طوریدولری اوزرینه آجیلان آتشلردن ایکی دشمن طوریدوسنه قطعی اصابت واقع اولسیله کوری چکلمشدر بوزجه آله اوزرنده کشف پاپان طیاره مز دوشمن سفائی اوزرینه موفقیتله بومبار ایتش و دوشمنک مختلف جنس آتشلرینه رغماً طیاره مز سالماً عودت ایتشدر . ۳ تیمور حصار طوریدو مز نیسانک درنده آله لر دکیزنده

(ماتینو) نامنده کی انکلیز نقایه واپورینه کال موفقیتله تعرض ایتشدر . انکلتزه آمیرال لنگن اعترافاتنه نظراً مذکور نقایه واپورندن یوز انکلیز نفری غرق اولمشدر . بونی متعاقب تیمور حصار طوریدوسی انکلیز قرووازور و طوریدو مخبرلری طرفندن ساقز قدر تعقیب ایدلشدر تیمور حصار دشمن الیه دوشماک ایچون مرتباتی طرفندن بر هوا ایدلشدر . طوریدو مرتباتی ساقز آله سی مامورینی طرفندن کال صمیمتله قبول ایدلشدر .

۴ — دیگر جبهه لرده شایان تبلیغ بر وقعه اولامشدر .

۷ نیسان ۳۳۱ تاریخیه قرارگاه عمومیدن تبلیغ اولمشدر .

۱ — اولکی کیجه دوشمنک جنای قلعه بوغازینه کیرمک ایستیان آلتی طوریدوسی میاننده درت طوریل تحری کیسینک دخی بولندینی و بطاریه لریمزک آتشیله قطعی اصابت واقع اولدینی بیلدیریلن ایکی دشمن کیسینک بو اصابتلر نتیجه سی بوغاز داخنده تمامیه باتدینی بالاخره تحق ایتشدر . یالکز قراقلق حسیله باتان کیلرک طوریدو و طوریل تحری کیلری اولدینی آکلاشیله نامشدر .

۲ — دیگر دارالحرکاتلرده تبلیغ شایان معلومات یوقدر .

غربی غالیچیا موفقیتی

برلین ۴ مایس (ب) مستعجلدر — غربی غالیچیا ده ۲ مایسده جریان ایدن محاربه لردن صکره روسلردن (۲۱) بیک اسیر (۱۶) طوب (۴۶) مترالیوز التمش ، بواعتامات یارمه حرکاتی ائشاننده وقوع اولشدر .

نجم استقبال مطبعه سی مدیر مسئولی : حسن کاظم